

Tir champester sin 39 plazzas

La fin d'emna ha lieu la pli gronda festa da tir sin quest mund

■ (gns/fmr/hh) Da venderdi enfin dumengia aviseschan bieras tiraduras e blers tiradurs il resultat maximal al Tir champester 2021. En il chantun Grischun vegn sajettà sin 39 plazzas da tir.

Il Tir champester ha ina istorgia fitg lunga. 1872 ha gi lieu l'emprima concurrenza nazionala da las secziuns sur la distanza da 300 meters e 1919 è il tir cun pistola vegnì introduci. Dapi 95 onns sa participeschan tiradurs da tut ils chantuns e dapi 1940 vegn il Tir champester organisà mintg'onn. La pli gronda fest da tir sin quest mund ha oz in caracter dal sport popular. Igl è ina sentupada da tiradurs activs, veterans, juniors e juvenils. Sa participar è pli impurtant che vulair victorisar. Tant sin la distanza cun buis sco quella cun pistola absolvian las partecipantas ed ils partecipants in program cun 18 sajets senza sajets d'emprova. La partecipaziun è gratuita. En il center stat danovamain la dumonda quants tiradurs che cuntanschan il resultat maximal. Cun buis sur 300 meters e quai 72 puncts, cun pistola 180 puncts. L'onn passà ha Ueli Krebs da Sent contonschi ils 72 puncts sur 300 meters e Bruno Battaglia da Favugn ils 180 puncts cun la pistola. Tut en tut spetgan ils organisaturs radund 3000 tiraduras e tiradurs. Pervia dal coronavirus ha il Tir champester da l'onn passà gi lieu pli tard che normalmain cun „sulettamain“ 2561 partecipantas e partecipants.



La fin d'emna sa mesiran las tiraduras ed ils tiradurs al Tir champester. FOTO GION N. STIGER

Lieus e temp da tir 300 m (28 – 30-5-2021)

Cuira, Rossboden venderdi 17.00-20.00, sonda 08.00-11.30 e 13.30-17.00. Panaduz venderdi 17.00-19.00, sonda 16.00-18.00 e dumengia 09.00-11.00. S. Gliedi/Luzisteig venderdi 18.00-20.00 e sonda 13.30-18.00. Cuira, Meiersboden venderdi 17.00-20.00 e sonda 14.00-18.00. Peist venderdi 17.00-19.30 e sonda 09.00-12.00. Küblis venderdi 18.00-20.30, sonda 09.30-12.00 e 13.00-16.00. Ta-

vau venderdi 16.00-20.30 e sonda 14.00-20.00. Tusaun venderdi 17.30-20.00, sonda 17.30-20.00 e dumengia 09.00-11.30. Andeer sonda 15.00-20.00 e dumengia 07.30-10.00. Alvagni, Crappa Naira sonda 18.00-20.00 e dumengia 09.00-11.30. Rona sonda 18.00-20.00 e dumengia 09.00-11.30. Vorab-Ruschein, Pardiala sonda 10.00-14.00. Degen venderdi 18.00-20.00, sonda 10.00-12.00 e 18.00-20.00. Versomi venderdi 18.00-20.00, sonda 10.00-12.00 e 13.00-15.00. Val S. Pieder venderdi 18.00-20.00, sonda 08.00-10.00 e 18.00-20.00. Sumvitg venderdi 18.00-20.00 e sonda 14.00-17.30. Sedrun venderdi 18.00-20.00 e sonda 17.00-19.00. San Carlo Poschiavo venderdi 17.45-19.45 e dumengia 09.00-12.00. Vicosoprano venderdi 18.00-20.00 e sonda 14.00-16.00. San Murezzan venderdi 16.00-19.30 e sonda 09.00-11.30. Scuol, Urezzas venderdi 18.00-20.00, sonda 09.00-12.00 e 13.00-18.00, dumengia 09.00-11.00. Müstair venderdi 17.30-20.30, sonda 17.30-20.30.

Distanza da pistola (28 – 30-5-2021)

S. Gliedi/Luzisteig venderdi 18.00-20.00 e sonda 13.30-18.00. Cuira, Rossboden venderdi 17.00-20.00, sonda 08.00-11.30 e 13.30-17.00. Domat venderdi 17.00-19.00 e sonda 10.00-12.00. Arosa venderdi 14.00-19.00. Tavau venderdi 16.00-20.30 e sonda 14.00-19.30. St. Antönien venderdi 17.30-20.00 e sonda 14.00-17.00. Tusaun venderdi 17.30-20.00, sonda 17.30-20.00 e dumengia 09.00-11.30. Rona sonda 10.00-18.00. Vorab-Ruschein, Pardiala venderdi 18.00-20.00 e sonda 10.00-14.00. Mustér venderdi 18.30-20.30, sonda 13.00-17.00. San Carlo Poschiavo venderdi 17.45-19.45 e dumengia 09.00-12.00. San Murezzan venderdi 16.00-19.30, sonda 09.00-11.30. Vicosoprano venderdi 18.00-20.00, sonda 14.00-16.00. Scuol, Urezzas venderdi 18.00-20.00, sonda 09.00-12.00 e 13.00-18.00, dumengia 09.00-11.00. Müstair venderdi 17.30-20.30, sonda 17.30-20.30.

■ RTR

Nov studio da radio per RTR

(rtr/fmr) Dapi mesemna emettan las moderaturas ed ils moderaturs da Radio RTR da lur nov studio a Cuira. La chasa da medias rumantscha ha modernisà ses studio da radio ed equipà quel cun nova tecnica. Il 2006 ha RTR dischlocà en la chasa da medias actuala ed unì las redaziuns da radio e televisiun. Ussa, 15 onns pli tard, èsi uras da renovar la tecnica installada da lez temp. RTR ha nizzegià la pussaivladad d'adattar l'organisaziun da las redaziuns e da la render fitta per il mund digital.

«Il nov studio da radio RTR ha survegñi color frestga ed ina cumparsa pli giuvna. El duai reflectar la diversità da noss temas, ma era quella da nossa lingua e noss idioms», declera Tamara Deflorin, scheffa comunicaziun e marketing, «il connex cun la regiun e cun la rapportaziun locala, che resta era en il futur in element central, vegn simbolisà tras il lain.» Ch'è il nov studio porschia a las moderaturas ed als moderaturs la pussaivladad da lavurar cun ina tecnica pli effizienta e da sa concentrar pli fitg sin las moderaziuns, cuntinuesch'la. Il studio è vegnì realisà en collavuraziun cun il designer da sets Ri-

co Chiari e cun la partiziun Equipament da SRF.

Il studio da radio mida dal plaunteren al plaun intermediar, nua che las redaziuns dad audio e da video han già lur plaz. «Il nov studio da radio RTR pussibilescha vias pli curtas ed ina collavuraziun pli intensiva e pli directa tranter las differentas redaziuns. Nus profitain anc meglier da las enconuschientschas vicendaivlas ed ils temas pon vegnir coordinads a moda optimala», explitgescha il scheffredactor Flavio Bundi la renovaziun, «nossas schurnalistas e noss schurnalists elavuran oz contribuziuns e cuntengs per plirs chanals e betg mo per in sulet sco pli baud. Grazia a la reorganisaziun ed al studio da radio adattà, pudain nus metter anc pli fitg l'istorgia en il center.»

Enfin la fin da l'onn realisescha RTR anc in ulteriur studio en las localitads da l'anteriuor studio da radio. En la nova «lounge RTR» duain lura vegnir produciads surtut cuntengs per ils chanals online e per ils pli divers basegns dal public.



La moderatura Natalia Weber ed il moderatur Elias Tsoutsaios han gust da lur nov studio da Radio RTR. FOTO RTR

RTR PER VUS AL PULS DAL GRISCHUN rtr.ch

RADIO

19.00 LA POPULARA

Novas da la musica populara
Sauts cun blers tuns d'orgelet.



En «La populara» da quest'emna preschentan nus discs novs da pliras furmaziuns. Ina bella collecziun da sauts populars datti sin ils discs «Urchix, Vol. 2» e sin «Orgeli-fieber» cun bieras chapellas e lur tocs novs. Vus udis las chapellas Mondschyngiele, Krummenacher, Illgauer Gruess, Handorgelduett Gebrüder Rickenbacher, Trio Oberdiessbach, Ohalätz, Fribis Pajasse e dal Schwyzerörgeli-Trio Schletti-Schwarz.
Redacziun: Jachen Prevost

20.03 MARELLA (rep.)

Introversiun – in potenzial creativ sutstimà

Senz'els na dessi ni Google ni Apple ni Harry Potter ni las canzuns da Bob Dylan; ils introvertids èn ina gronda forza creativa en nossa societad. Ma savens vegnan persunas introvertidas malchapidadas sco «schenadas», «atgnas» u «serradas».



Èsi pussaivel che nossa societad sa orientescha pli e pli tenor ils extrovertids? Pudessi esser ch'ins cuntanscha ozendi savens dapli cun esser dad aut che cun introspeccziun? La «Marella» s'inscuntra cun Sina Bardill (psicologa), Pascal Gamboni (musicist) e Linard Nicolay (sculptur).
Redacziun: Astrid Alexandre

TELEVISIUN

10.40 CUNTRASTS SIN SRF INFO (rep.)

Retro, secondhand, vintage – hä?



Betg tut quai ch'è vegl è secondhand e betg tut quai che vesa ora retro è vintage. Ils «Contrasts» sa deditgeschan a la nostalgia per objects dal passà. «Els raquintan in'istorgia e na pon betg vegnir cumprads dapertut», di la futurologa Nina Burger. Butias da secondhand creschan

sco bulieus or da la terra. «I dat in kick dad ir en la brocki», di Antonia Desax che gieva già en la brocki, cura che quai era anc ina vargugna. In auter trend è da rimnar vehichels vegls sco er tadlar e producir plattas da vinil.

17.40 TELESQUARD SIN SRF 1

L'emissiun d'infurmaziun sin SRF 1 cun suttitels tudestgs sin TXT 777
(repetiziun sin SRF info tranter las 18.00 e las 22.00)

TELESQUARD
GLINDESDI – VENDERDI
A LAS 17:40 SIN SRF 1
rtr.ch/telesguard

GÔT MIRACULOUS
Tadlai las novas aventuras da Lina Lieur, Not la Vulp e Tschuetta Rut.
rtr.ch/uffants

IL COMPLIMENT
FASCHAI IN COMPLIMENT
AD INSATGI
MINTGA VENDERDI
A LAS 10:15
rtr.ch/compliment

PROGRAM DA RADIO

| | | | |
|-------|-------------------------------|-------|---------------------------------|
| 00.00 | Novitads SRF | 11.15 | Co e cum |
| 00.03 | Grischun sonor | 11.30 | Novitads |
| 01.00 | Novitads SRF | 11.45 | Total local |
| 01.03 | Grischun sonor | 12.00 | Novitads |
| 02.00 | Novitads SRF | 12.06 | RTR da mezdi / Cumpact da mezdi |
| 02.03 | Grischun sonor | 12.25 | Prevista Telesguard |
| 03.00 | Novitads SRF | 12.30 | Rendez-vous SRF |
| 03.03 | Grischun sonor | 13.00 | Las gratulaziuns |
| 04.00 | Novitads SRF | 14.00 | Novitads |
| 04.03 | Musica populara | 14.03 | Musica |
| 05.00 | Novitads SRF | 15.00 | Novitads |
| 05.03 | Musica populara | 15.03 | Musica |
| 06.00 | Novitads | 16.00 | Novitads |
| 06.06 | RTR da bun'ura | 16.03 | Sempverds |
| 06.30 | Novitads | 16.30 | Program da kino |
| 06.40 | Impuls | 16.45 | Tgi pomai èsi? |
| 07.00 | Novitads | 16.50 | Prevista Telesguard |
| 07.06 | RTR da bun'ura | 17.00 | Novitads |
| 07.30 | Novitads | 17.06 | RTR la saira |
| 07.40 | Kikeri6 | 17.30 | Novitads |
| 08.00 | Novitads | 17.50 | Novitads da port |
| 08.06 | RTR da bun'ura | 18.00 | Novitads |
| 08.30 | Novitads | 18.06 | Rvista dal di |
| 09.00 | Novitads | 18.15 | Musica |
| 09.05 | La coppina | 19.00 | La populara |
| 09.15 | Il chalender | 20.00 | Novitads |
| 09.45 | Tge chaussas | 20.03 | Rep. Marella |
| 10.00 | Novitads | 21.00 | Novitads |
| 10.15 | Tips, trics e tacs – La cifra | 21.03 | Musica |
| 10.30 | Famus e glorius | 22.00 | Novitads |
| 10.55 | Rep. Impuls | 22.03 | Musica |
| 11.00 | Novitads | 23.00 | Novitads |
| 11.03 | RTR da mezdi | 23.03 | Musica |